

نسخه سی ۱۰ غروشد

صاحبی، مدیری، محرری



اسلامك نفعنه خادم مقالات
مع الت شكر قبول ونشر اولونور

يازانك شخصيتي دكل، يازينك اهميتي
نظردقته آلتير .

كلن يازيلردن شايان قبول كورولنلر
تامرل صيراسيله درج ايديلير .

مخفل

۱۳۳۸

دینی، علمی، ادبی، اجتماعی و شجری
شهری مجموعه در

۱۳۴۱ شواله مخصوص نسخه

عدد : ۳۶

اداره خانه سی : آق سرایده
ملا کورانی محله سنده مهتر
سوقا غنده ۳ نومرولو خانه

مرکز توزیعی :

باب عالی جاده سنده (اتحاد
تجارت) کتبخانه سی

آبونه بدلی :

سنه لکی ۱۰۰ غروش
آلتی آلتی ۵۰

جلد : ۳

مهمربات :

مخفل دینی و علمی : بایرام تبریکی و افاده مخصوصه - طاهر المولوی . جمعه غسلی ، جمعه نمازینه
ایرکن کیتیک ، جمعه وقتی آلیش ویریشک تعطیلی ، وظیفه و جمعه نمازی - طاهر المولوی . علم اساطیر -
طاهر المولوی . عالم اسلام و عرقلر مسئله سی - سعدی بک .

مخفل ادبی : توحید و تمجید باری - محمد صادق افندی . نعت شریف - توقادی زاده شکیب بک .
رباعی - شیخ عبدالباقی افندی . غزل - محی الدین رائف بک . آفاق تنوری و انفسک تحسری - طاهر المولوی .

مخفل تاریخی : جعفر بن ابی طالب - طاهر المولوی . شیخ عثمان شمس افندی حقنده - حسین و صاف بک .
اسعد دده مرحومه دائر بعض خاطرات - طاهر المولوی .

معلومات جاهلیه حقنده بر قوفه و انسدن

مابعد علم اساطیر:

ینه جاهلیه علومندن بری ده اساطیر ایدی که علامت الهمانك قوس قزح ، یعنی شیطانك یانی اولدینی ، شعرای یمانی [۵] نك شعرای شامی دن آریلوب (سپیل) ك آرقه سندن کهکشانی کجدیکی ایچین شعرای شامینك آغلامقندن کوزلری چاپاق باغلادینی ، برقیله رئیس اول (جرهم) ك باباسی ملك ، آناسی جنی (ذوالقرنین) ك باباسی ملك (بلقیس) ك آناسی جنی بولوندینی کی شیلری

[۶] شعرای: فلکده ایکی کوکب اسمیدرکه برینه (شعرای العبور) و برینه (شعرای الغیصاء) دیرلر . زعم عرب اوزره (سپیل) نام کوکب قیز قارده شلریدر . مترجم دیرکه: عبور ، صبور و زننده در و غمیصاء ، مجهول بنه سی اوزره در . اولکی شعرای یمانی و ثانی شعرای فانی دیدکاریدر . وسپیل کذلک بمن قطرنده مرثی بر کوکیدر . شعرای یمانی به عربدن بنو خزاعه پرستش ایدرلردی . و بونلر جوزادن صوکر طلوع ایدرلر ، مابینلری ایکی نیره مقداریدر . بری جنوبه مائل ، بویوک و روشن و دیگر شاماله مائل کوچوک سرخ رنگدر . جنوبه مائل اولان شعرای عبور و شعرای یمانی اوله جقدر . و شاماله مائل اولان غمیصاء و شامی دیدکاریدر که صور جنوبیه دن کاب اصغرك اغزنده در . و یمانی کلب اکبرك اغزنده در . فارسیده بونلره دوخواهران اطلاق اولنور . بین الکواکب الجنوبیه معروف اولدیلری باعث اطلاقدر . شویله زعم ایدرلر که برکیجه عبور ، خفیه سپیل ایله مجره یی عبور و اغتراب ایله مه لرله شعرای شامی آنلرک فراتندن بکا ایله یه رک مبتلای غمض العین اولمشدر . . قاموس ترجمه سی

عربلرک افسانه لرندندر که بوا یکی کوکب (سپیل یعنی) نام کوکب قیز قارده شلری ایدی . سپیل بونلری ترک ایدوب یمن جابینه عزیمت ایله دی . بعده شعرای یمانی دخی شامی ن ترک ایدوب صبرك آرقه سندن عزم و کهکشانی عبور ایدوب اوته کجدی . آنک ایچون اگا عبور اطلاق اولنور . آنک درد و فراتندن شعرای شامی بکا ایدرک قالب کوزلری چاپاق طوقله آکا غمیصاء اطلاق ایله دیلر . . کذا

اوکره تیوردی . مع مافیه بو و همیاته عربلرک عقلی باشنده اولانلری ده قانمازدی .

حتی صناید قریشدن نصرین الحارث ، قرآنک کتاب سماوی اولدیغه اینانما دیغنی آکلامق ایچین نظم جلیله کی قصص و اخباره (اساطیرالاولین) دیمشدی . بدرده اسیر و قتل ایدیلن بو حریف محمد ، سزه اساطیر اولندن بحث ایدیور . کلک ، بن داها لطیفی سویله یم « دیبه رک خلقی باشنه طوبلار و ایران سفرنده اوکره نمش اولدینی (رستم - اسفندیار) افسانه سنی آکلاتیردی .

(ویل لکل آفک ائیم) وعیدی ، نصر بن الحارث حقنده اولدینی گی (واذا تتلی علم آیتنا قالوا قد سمعنا لونها قلنا مثل هذا ان هی الا اساطیرالاولین - سورة الانفال) یعنی « آیات قرآنیه من اولنره او قوندینی وقت [ایشیتدک] ایسته سه یدک بزده اونک کیسینی سویلردک . بونلر ، اساطیر اولندن باشقه برشی دکل [دیدیلر] آتی ده بو مناسبتله نزول ایله مشدی .

اساطیرک عربستانه خارجدن کیرمش اولدینی واساطیر ایله (آستر = Astre) کله سی آراسنده مشابعت بولوندینی ظن ایدیلر .

مسلمانلق اساطیری بالطبع ابطال ایله مشدر . ای... اقدیلر! بحث بیتمه مکه برابرسوز ایچه اوزادی . آرتق بنده سویله مه یه ، سزده ده دیکله مه یه طاقت قالمادی . بناء علیه بحنک الکافی دیکر بر جلیسه یه تعلیقاً مصاحبه مزه بوراده نهایت ویره لم .

ظاهر المولوی

عالم اسلام

و

عز قلم مسئله سی مابعد :

بویکانه مصداق اسلامیتده محافظه اولنمشدر .

حاضرده بویه بر ایشی درعهده ایدن بیاض عرقه لازم اولان قوت و اختراعك فضله سنه احتیاجی یوقدی .

دین اسلام، عرق فرقدده یالکز قرآنك حکمنه تابع اولیور ، پیغمبره عطف ایتدیکی منقول سوزلرله بو حکمی تقویه ایدیوردی . او نقللرده مساواتك یالکز عربلره دکل، بتون اقوامه عائد اولدینی ، وحی الهی دن دها واضح بر صورتده آکلاشیوردی . (حضرت) محمد : بر عرب ، عرب اولیان کیمسه یه - دها زیاده متدین اولمی مستتنا - هیچ بر وجهله فائق دکلدر ، دیور .

بو صوك پرنسیپك دائما تکرار اولمیشك لزومی ؛ دنیا اوزرنده اسلامك مظفرانه حرکتی ائناسنده عربلرک صرف ایتدکلی بحیرالعقول قوت دوشونولدیکی زمان ، قولایقله آکلاشیلر . آزر مدته : ایران ، سوریه ، مصر ، آفریقای شمالی وجنوبی اسپانیا و دیگر ممالک او دوره قدر آنجق اسمی بیلنه بیلن بر قومك اداره سی آلتنه کیردی . بو بدویلر مسلمان اولوب اتحاد ایتدکلی و غیر مذبت شبه جزیره لرندن جیقدقلی زمان ، اولنرک کنج قوتلری اوکنده ییقلان ممالک متمدنیه تحکم اتمکده استعداد کوستردیلر و بو حکومتلرک طرز اداره سی کندی منفعتلرینه کوره دکشدیروب مختلف عرقلره منسوب میلیونلرجه انسانی پیغمبرلرینک سنجایی آلتنده طوبلادیلر . عرب لسانی ده عرب اردوسی قدر معجزه کوستردی . یوقاریده ذکر اولنان همان بتون ممالکده کی السنه ملیه نك یرینه تمامیه قائم اولدی . او قدرکه یوکون ، اجنیلرده ، سوریه ، الجزیره مصر و آفریقای شمالی اهالیسنی عرب تسمیه ایتک عادی واردر .

بونک اوزرینه استناداً بشریتك اوج باشلیجه عروبه تقیمی آره مزده الیوم جاری اولان تقسیمدن پك آز فرقلدر : مدنی ، نیم مدنی ، وحشی . (حرث) ك حدودلری دینه عائد اولانلره قاریشمی اسلامك انکشافی دورنده (۶۵۰ - ۱۰۰۰) کندیلکندن تظاهر ایدر . بو طرز تلقی او زمان عمومی ایدی . بناء علیه برنجی صنف ، منور مسلمانلردن متشکلدی . ایکنجیسی ، موسوی و خرسیتانلرکی کتب مقدسه یه صاحب اولانلردی که (حضرت) محمدک رسالتی تصدیق ایتمورلردی . بونلری صرف وسائط معنویه ایله بولندقلری جهالتدن یوکسک برسویه یه چیقارمغه چالیشمق لازمدی . اوجنجیسی اقاع ویا جبراً مسلمان حرثه ادخال اولمی ، یاخود ضرر ایراث ایده میه جک بر حاله قونیلمی ایجاب ایدن مشرک کردن عبارت ایدی . (حرث) ك مصداقی بو تفریقده - دین خارج اوله رق - بالخاصه ایکنجی صنفه قارشی نظر اعتباره آلیوردی . زیرا اسلامك ایلک عصرنده (کتب مقدسه یه مالک اقوام میانه) (حضرت) محمد طرفندن طائمش کتبی اولیانلرده - مدنیتلرینک سویه سنندن طولای ، ادخال اولمش و دیگرلری کبی عین حقوقه صاحب بولمشلردی . مسلمانلرک ؛ مدنیت ایشلرنده کندیلرینه اک مهم رولی عطف ایتک جرأتی نظر استخفاف ایله کورمه ملیدر . سکرنجی عصر میلادیده فاس و اسپانیادن چین حدودلرینه قدر امتداد وبتون « اسکی دنیا » نك متمدن حکومتلرنی احاطه ایتدیکی کبی متبادیابیومکه تمایل اولان بو ایمراطورلق - او ایمراطورلق که آوروپای جنوبی و شرقیده دائمی بر تهدید شکنی آلمشدی - قرون وسطیده مدنیتك اوج بالاسنده ایدی . عالم اسلامك ؛ اودورده بشریتك مقدراتی اداره ایتکه جاغیرلایغنی ظن ایتمی ایچون ، حال

بر قومك اسلاملاشمه سی، بو ایلک عصر لرده
بالطبع عربلاشمه سی دیملدی. عرب لسانك
بو قدر سرعتله دیگر لسانلر یینه قائم اولمسه می،
یوقسه بو بدوی دیلنك کندی اوصاف بمیزه سی
محافظه ایدرهك علم كلامك، حقوقك، فلسفهك،
ریاضیاتك، تاریخ طبعینك، تاریخ عمومینك،
جغرافیایك، علم عرقك، علم صرف و علم عروضك
اك درین مسائلندن بحث ایدرهك قدر قدرته می
حیرت ایتك لازم کلدیکی بینه میور.

مبدأده مسلمان اولمق بعض جهتدن عرب
اولمق دیملدی. اهتدا ایدنلره عرب اسمی ویریلیدی.
بونلر عرب قبیله لرینه (مولی) دیه داخل اولورلر
و اللرندن کلدیکی قدر مذشألرینی اونوتدیرمغه
کندیلرینی حقیقی عرب طانتدیرمغه چالیشیرلریدی.
احوال جدیدهك تحکیم و تقویه سندن صکره حیات
مغویهك اداره سی تجربه لی اللرینه کچدیکی زمان
اکثریا بونده ده ایی موفق اولورلریدی.

عالم اسلام ده علم و ادبیات، عربلردن زیاده
عرب اولمانلر طرفندن ترقی ایتدیرلمشدر. بناء علیه
زنکین عرب ادبیاتندن وقرون وسطیه عرب
تقوی علمینسندن بحث ایتدیکمز وقت عرب لسانی
قوللانان بین الملل مسلمان علم و حرثی ذکر
ایدیوروز. بعض السنه محلیه - بالخاصه عجمجه
و بالاخره تورکجه - عربجهك خزینه سندن مهم
بر مقدارینی بنمسه دکن صکره، کندیلرینه درجه
تالیسه ده بر موقع تدارك ایده بیلیمشلردر.
ماله زیایلر، مسلمان چینلی لر، هندیلر، عجملر، تورکلر
و مصریلر دینی تدیسلرینه دائما قرآنك قرائتله
باشلارلر. بیش وقت نمازده عرب دستورلرینی
قوللاندقلمی کی جمعه کونی و سنوی مراسم
دینه لرده عربجه خطبه دیکلرلر. هر کس کندی
لسان مادرزادینی قوللانمغه مأذون اولدینی حالده

رسمی، عمومی و حتی خصوصی استعماللر ایچون
(عرب دعایی) ترجیح اولنور. مسلمان اقوامك
بتون مراکزنده، دنیایك براوجندن او براوجنه
قدر موجود همجنس لرینی عربجه لسانیه آکلا به حق
- کرک شفاها، کرک تحریراً - منور کیمسه لره
تصادف ایدیلر. بوادی عربجه، محلی يك از خصوصیت
عرض ایدر عمومی بر لسان اوله رق قالمشدر.
بالعکس عرب لسانی سوبله ن ممالکده، بر جوق
عرب لهجه سی مکلمده قوللانیلر. بو لهجه لره
[۱] تحریری السنه ارقا اولنمی ایچون بعض
آوروپالی مستشرقلر عربلری اقتناع ایتکه
چالیشمشلردی ۱۹۱۴ سنه سنده آتنده طولانان
مستشرقین قولنره سنده مصرلی بر عالم بو تشبی
تقییح ایتمشدی و دیمشدی که: «سز عربیلر،
آده گزده کی مناسبات دائمی بر طاقم صنعی و یاردیمی
لسانلر - اسپه رانتو، وولا بوق، ایدو کی -
واسطه سیله تسهیل ایتکی آرایورسکیز و ایکی یوز
ملیونلق افرادك بین الملل تعاطی افکار ایچون
استعمال ایتدکلمی مکمل بر آلت المزده واریکن
اونی آتمغه بزی تشویق ایدیورسکیز. بزدها
معقول بر صورته حرکت ایده جکیز.»

مابعدی وار

مهری

مجله ادبی :

توحید و تمجید باری

مخفوض و مرتفعدر عشقکله زیر و بالا ؛
شوقکله مجتهدر هر صورت و هیولا ؛
هپ کائنات هستی مشغول حقیرستی ؛
مدهوش وجد هستی دیر لا اله الا ؛

[۱] فلاسیك عربجه برینه